



Nga Abdullah ibën Mes'udi,

Allahu qoftë i kënaqur prej tij, përcillet se Pejgamberi, paqja dhe lavdërimi i Allahut qofshin mbi të, ka thënë: "Me të vërtetë vërtetësia shpie në bamirësi dhe pa dyshim që bamirësia udhëzon për në Xhennet.

Vërtet, njeriu vazhdon me vërtetësi deri sa të bëhet i vërtetë (siddijk), ndërsa gënjeshtria çon në mëkate, e pa dyshim që mëkatet shpijnë në zjarr. Vërtet, njeriu vazhdon të gënjejë derisa të shkruhet te Allahu gënjeshtar."

Transmetojnë Buhariu, Muslimi, Ebu Davudi dhe Tirmidhiu. Ky është termi i Buhariut

Domethënia e hadithit

Vërtetësia është prej cilësive të lavdëruara, për të cilën Allahu i Lartësuar urdhëroi besimtarët në librin e tij, duke thënë:

?????????? ?????????? ????????? ????????? ?????? ?? ?????? ?? ??????????????????

O ju që besuat, kini frikë Allahun dhe jini me ata të drejtit! (09: 119)

I Dërguari, paqja dhe lavdërimi i Allahut qofshin mbi të, nxiti në vërtetësi dhe bëri të qartë mirësinë e saj në shumë hadithe. Ndërsa, në këtë hadith na e bëri të qartë se vërtetësia ia hapë muslimanit dyert e së mirës, të cilat e fusin pronarin e tyre në xhenet dhe se atë që është i pajisur me të e donë Allahu dhe njerëzit.

E kundërta e vërtetësisë është gënjeshtria, nga e cila na ka ndaluar Allahu në Kur'an dhe na ka ndaluar edhe i Dërguari i Tij, sal-lallahu alejhi ve sel-lem. Në këtë hadith, i Dërguari, sal-lallahu alejhi ve sel-lem, na e bëri të qartë se gënjeshtria çon praktikuesin e saj në mëkate të cilat e fusin vepruesin e tyre në zjarr dhe se ai i cili gënjeshtren e merr për zakon të vetin bëhet prej gënjeshtarëve, të cilët meritojnë dënimin e Allahut dhe bëhet i urreyer tek Allahu dhe krijesat e tij.

Prandaj, detyrë jona është që të pajisemi me vërtetësi dhe të largohemi nga gënjeshtria, në mënyrë që Allahu të jetë i kënaqur me ne dhe të na fusë në xhenetin e Tij.

Dobitë e hadithit

1. Pajisja me vërtetësi në fjalë dhe vepra.
2. Lënia e gënjeshtres edhe nëse është e vogël.
3. Përfundimi i të vërtetëve është Xheneti, ndërsa përfundimi i gënjeshtarëve është zjarri.

Përktheu: Jusuf Kastrati

Marrë nga libri "Hadithi", Instituti i Mësimimit të Gjuhës Arabe, Universiteti "Imam" - Riad